



Universitätsbibliothek Paderborn

Capitularia Regvm Francorvm

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

Ludovici Pij praeceptum de institutione monachorum in monasterio
Dervensi.

urn:nbn:de:hbz:466:1-19366

649 ANNO CHRISTI Regum Francor. LUDOVICI PII 650
I M P. 1.

confilio ex hoc agat penitentiam: quoniam raptore, ut ait Apostolus, nisi veram egerint penitentiam, regnum Dei non possidebunt. Qui vero de rebus Ecclesiarum aliquid abfulerit, gravius inde judicetur: quia sacrarum rerum ablatio sacrilegium est, & sacrilegus vocatur qui ex eis aliquid aut abstulerit aut rapuerit. Infaues quoque tales personae usque ad satisfactionem Ecclesiae, quam leserunt, sunt habenda.

De sacerdotibus & Levitis atque monachis interfictis vel debilitatis.

Ibid. 98. II. Si quis sacerdotem vel Levitam aut monachum interficeret vel debilitaverit, juxta statuta priorum capitulorum, quae legi Salica sunt addita, componat, & insuper bannum nostrum, id est, sexaginta solidos nobis perfolvat, & armis reliquar, atque in monasterio diebus vite sue sub ardore penitentia Deo serviat, nusquam postmodum seculo vel secularibus militatur, neque uxori copulaturus.

De his qui Episcopo aliquam injuriam vel dehonorationem fecerint.

Ibid. 99. III. Si quis Episcopo aliquam injuriam aut injustam dehonorationem fecerit, de vita componat, & omnia qua habere vi-
sus fuerit, Ecclesie cui praeesse dinoctitur integerrime socientur, & nobis in triplo bannus noster, id est, sexaginta solidi per-
olvantur, aut ipse in servitio fisco nostro serviturus semper societur usque se redi-
mere in triplo juxta virgildum suum poterit. Sancta vero Ecclesia in sacerdoti-
bus constat. Idcirco magna pena ple-
cendi sunt qui Episcopis vel reliquis sacer-
dotibus injuriam vel contumeliam fecer-
int. Nam detracatio sacerdotum ad Christum pertinet, cuius vice legatione in Ec-
clesia funguntur.

De religiosa muliere decepta, id est, ueste mutata, vel religionem professa.

IV. Si quis rapuerit aut follicitaverit Ibid. 100.
vel corruperit religiosam feminam, bona amborum Ecclesie vindicet in qua talis mulier habitavit. Ipsi tamen capitali periculo subficiantur. Quod si hoc mulier non consensit, cum suis rebus monasterij di-
ctionibus tradatur. Si vero Comes ipsius pagi, una cum confilio sui Episcopi in eu-
jus parochia tale scelus commisum est,
hoc vindicare neglexerit, honore careat,
& cingulum amittat, atque publica peni-
tencia multetur, & insuper virgildum suum fisci viribus dare compellatur.

De blasphemia in Deum.

V. Si quis quolibet modo blasphemiam Ibid. 101.
in Deum jaetaverit, ab Episcopo vel Co-
mite pagi ipsius carceri usque ad satisfa-
ctionem tradatur, & publica penitentia multetur, donec precibus proprij Episco-
pi publice reconcilietur, Ecclesiaeque gre-
mio canonice reddatur.

De his qui in domo sua oratorium fecerint.

V I. Qui in domo sua oratorium habue- Ibid. 102.
rit, orare ibidem potest. Missas tamen in eo celebrare non audeat, nec agere cui-
quam permittat, sine permisso vel dedica-
tione Episcopi loci illius. Quod si fecerit,
domus illius fisci viribus addicatur. Comes
vero qui hoc cognovit, & non prohibuit,
publica penitentia multetur, vel honore
privetur.

*De privilegiis Ecclesiarum & Clericorum
non corrumpendis.*

VII. Ut privilegia que Ecclesiis & Ibid. 103.
Clericis ab antecessoribus nostris vel nobis
concessa sunt, semper maneat incor-
rupta.

PRÆCEPTVM IMPERATORIVM

De institutione monachorum in monasterio Dervensi,
Datum anno Christi DCCCXXVII.

In nomine Domini Dei & Salvatoris
nostris Iesu Christi. Hludovicus &
Hlotharius divina ordinante providentia
Imperatores Augusti. Si petitionibus ser-
vorum Dei iustis & rationalibus divini cul-
tus amore favemus, superni munera dom-
num nobis a Domino impertiri credimus.

S I ij

Idcirco notum esse volumus cunctis fide-
libus sancta Dei Ecclesiae & nostris pra-
sentibus scilicet & futuris quia adiens cere-
nitatem culminis nostri vir religiosus Hau-
to Abba ex monasterio quod vocatur Pu-
teolus, quod est in Dervo constructum in
honore beatorum Petri & Pauli, suggestus

mansuetudini nostræ eò quod prædictum monasterium, ubi ille Dei cultor Abba præfæt, aptum esset ad monasterium regulare; qui non solum idem locus, ubi præfatum monasterium fundatum est, verum etiam & omnes adjacentias congruas haberet servis Dei monasticam vitam degere volentibus. Nam & privilegia qualiter ipsum monasterium ad monasticum ordinem perficiendum fundatum esset, & præcepta regalia nobis ostendit, ubi liquido apparuit quod antiquitus regulare monasterium fuisset. Nos vero hanc rem diligenter scire volentes iussimus venerabilem virum Hebonem Remensem Archiepiscopum & aliquos ex suffraganeis suis ad prædictum locum ire & diligenter intueri, non solum si ipse locus aptus esset ad monasticum ordinem observandum, verum & utrum Clerici ibi degentes monasticè vellent vivere an non. Illi vero nostris iufisionibus obtemperantes, sicut nobis prædictus Hebo Archiepiscopus renuntiavit, & aptum locum invenerunt ad normam regularem custodiendam, & Clericos ibi degentes sponte vitam monasticam, sicut illi profelli sunt, suscipere & perpetuo observare velle. Sed ut prædictus ordo monasticus in eodem loco nostris & futuris temporibus ad nostram successorum que noltrorum perpetuum eleemosynam dignè observaretur, & monachi per tempora degentes secundum regulam sancti Benedicti vitam degerent, prædictus Hauto Abba precibus quibus valuit rogavit ut nostrum confirmationis præceptum idem monasterium habere mereretur, sicut

cetera monasteria monachorum in regno Deo proprio nostro habere noscuntur. Cujus petitionem justam & rationabilem judicantes, per hos imperiales apices nostros præcipimus atque jubemus ut abhinc in futurum prædictum monasterium sub monastico ordine persistat, & monachi ibi degentes sub regula sancti Benedicti Domino sibi adjuvante perenniter vitam ducant monasticam. Et quandoquidem divina vocatione prædictus Abba ab hoc seculo migraverit, quandiu ipsi monachi inter fe tales eligere potuerint qui illis secundum regulam præcessere & prodefere possit, per hanc nostram auctoritatem licentiam habeant eligendi Abbates, qualiter monachi per tempora ibi degentes pro nobis, conjugibus, ac liberis nostris, seu totius regni nostri stabilitate Domini misericordiam indefinenter exorari delectentur. Et ut hæc nostra auctoritas præceptio ac confirmatio per curricula annorum inviolabilem atque inconvulsam obtineat firmatatem, manu propria subter firmavimus & anuli nostri impressione signari jussimus.

Signum Hludovici gloriissimi Imperatoris,

Signum Hlotharij serenissimi Augusti.

Durandus Diaconus ad vicem Fredegisi recognovit.

Data 11. Idus Februario anno Christi proprio x i v. imperij Domini Hludovici piiissimi Augusti & Hlotharij x. Indict. v.

Actum Aquigrani palatio regio in Dei nomine feliciter. Amen.

